



**Escola Universitaria de Relacións Laborais
CONVOCATORIA EXTRAORDINARIA DE CAMBIO DE GRUPO
CURSO 2008-2009**

A normativa da Universidade para a organización docente de primeiro e segundo ciclo, aprobada pola Xunta de Goberno do 31 de outubro de 1996, establece que é competencia dos centros a publicación dos criterios de distribución dos alumnos entre os distintos grupos, así como a regulación do procedemento para a solicitude de cambio de grupo e a súa resolución.

O pasado 22 de setembro do 2008, foi publicada unha convocatoria xeral de cambio de grupo e dado que, por distintos motivos, algúns alumnos non tiveron a oportunidade de presentar a súa solicitude, publícase esta convocatoria extraordinaria, suxeita ós seguintes requisitos:

1.- Dos grupos.

Nas materias troncais e obrigatorias, para o curso 2008-2009, os alumnos están adscritos inicialmente aos diferentes grupos previstos no PDA en función da inicial do primeiro apelido do xeito seguinte:

1º Curso: Grupo A (A-F) horario de mañá
Grupo B (G-O) horario de mañá
Grupo C (P-Z) horario de tarde

2º e 3º cursos: Grupo A (A-K) horario de mañá
Grupo B (L-Z) horario de tarde

2.- Cambio de quenda

O cambio de grupo establécese como cambio de quenda, polo que afecta a todas as materias das que se matricule o alumno, tanto no primeiro prazo de matrícula como nos sucesivos prazos de modificación ou ampliación.

O alumno que solicite cambio de quenda e que amplíe matrícula nos prazos establecidos para elo, quedará vinculado nas materias das que se matricule neste prazo, ao grupo que se lle concedeu na resolución de cambio de grupo.

3.- Sollicitudes e prazo

a) Os alumnos interesados en solicitar o cambio de grupo deberán efectuar unha única solicitude do 2 ao 12 de decembro.

b) A solicitude farase utilizando o impreso oficial, que poderá recollese gratuitamente na Conserxería do centro. Este procedemento é o único habilitado para este proceso.

c) Poderán solicitar o cambio de grupo os alumnos que:

1. Formalizaran a súa matrícula en datas posteriores ao 15 de outubro de 2008.

2. Aleguen algunha causa extraordinaria debidamente xustificada.

En todos os casos será preciso xustificar documentalmente as causas alegadas.

4.- Alumnos de intercambio (Erasmus, Sicue, outros convenios)

Os alumnos que cursen estudos neste Centro ao amparo de convenios de intercambio ou bilaterais, poderán elixir o grupo que desexen en cada unha das materias das que se matriculen. A solicitude deberana facer na Oficina do Xestor Académico.

5.- Criterios para a concesión dos cambios.

Entre todas as solicitudes presentadas procederase á asignación de grupo atendendo aos criterios seguintes:

- a) O cambio considerárase como unha solicitude en bloque de todas as materias troncais e obrigatorias das que se matricule o alumno no curso 2008-2009.
- b) Se o número de prazas dispoñibles dun grupo é inferior ao número de solicitudes, a asignación efectuarase de acordo coa seguinte orde de prioridade:
 1. Alumnos que acrediten estar na situación referida no apartado 3.c.1.
 2. Resto de alumnos (causa 3.c.2), en función da causa alegada e da nota media do seu expediente.

6.- Resolución e efectos

- a) A resolución das solicitudes será publicada nos taboleiros de anuncios da E.U. de Relacións Laborais.
- b) Todos os cambios de grupo concedidos na presente convocatoria serán irrenunciabes.
- c) A resolución do Director sobre concesión e denegación de solicitudes de cambio poderá recorrerse en alzada perante o Reitor no prazo dun mes dende que se ditou o acto. Será de aplicación a normativa académica e maila Lei 30/1992 das Administracións Públicas e do Procedemento Administrativo Común.

Santiago de Compostela, 2 de decembro de 2008

 Director
Juan Arés Fernández

SR. XEFE DO SERVIZO DE XESTIÓN ACADÉMICA; SR. DIRECTOR DO C.O.I.E.; SRA. XEFA DA UNIDADE DE XESTIÓN ACADÉMICA DO CAMPUS SUR.; TABOLEIRO DA E.U. DE RELACIÓNS LABORAIS